

金剛般若論卷上

無著菩薩造

隋南印度三藏法師笈多譯

出生佛法無與等 顯了法界寂第一
 金剛難壞句義聚 一切聖人不能入
 此小金剛波羅蜜 以如是名顯勢力
 智者所說教及義 聞已轉為我等說
 歸命彼類及此輩 皆以正心而頂禮
 我應精勤立彼義 解釋相續為自他
 成立七種義句已 此般若波羅蜜即
 得成立七義句者 一種性不斷二發
 起行相三行所住 處四對治五不失
 六地七立名此等 七義句於般若波羅
 蜜經中成立故名 義句於中前六義
 句顯示菩薩所作 究竟第七義句顯
 示成立此法門故 應如是知 此般
 若波羅蜜為佛種 不斷故流行於世
 為顯此當得佛種 不斷義故上座源
 菩提寂初說言 希有世尊云何如來
 以第一善攝攝受 所有菩薩摩訶薩
 也如是等於中善 攝者謂已熟菩薩
 於佛證正覺轉法 輪時以五種義中

菩薩法而建立故 付囑者彼已得攝
 受菩薩等於佛般 涅槃時亦以彼五
 義如是建立故 此善攝付囑二種顯
 示種性不斷 發起行相者如經云
 何菩薩應住如是 等彼應住者謂欲
 願故應修行者 謂相應三摩鉢帝故
 應降伏心者 謂折伏散亂故於中欲
 者正求也願者 為所求故作心思念
 也相應三摩鉢 帝者无分別三摩提
 也折伏散亂者 若彼三摩鉢帝心散
 割令還住也 第一者顯示攝道第二
 者顯示成就道 第三者顯示不失道
 行所住處者 謂彼發起行相所住處
 也此復有十八 種應知所謂一發心
 二波羅蜜相應 行三欲得色身四欲
 得法身五於修 道得勝中無慢六不
 離佛出時七願 淨佛土八成熟眾生
 九遠離隨順外 論散亂十色及眾生
 身搏取中觀破 相應行十一供養給
 侍如來十二速 離利養及疲乏熱惱
 故不起精進及 退失等十三忍苦十
 四離寂靜味十 五於證道時遠離喜
 動十六求教授 十七證道十八上求

金剛般若論上卷 第二張傳

佛地是為十八種 住處 於中菩薩
 應如是住為滅 度一切眾生故發心
 已於波羅蜜等 中相應修行為得如
 來色身及法身 故發生樂欲應速離
 證道中障身心 既離慢等喜動等心
 已為證道故 應求教誡然後得彼證
 道自此已上 皆求佛地此等如是次
 第相續 於中為發心故經言此菩
 薩應生如是心 等 為波羅蜜相應
 行故經言菩薩 不住於物應行布施
 等為欲得色身 故經言須菩提於意
 云何應以相具 足見如來不如是等
 法身復有二種 謂言說法身證得法
 身此證得法身 亦有二種謂智相
 福相 言說法身者謂修多羅等為欲
 得此法身故經 言世尊頗有眾生於
 未來世如是等 於不顛倒義想是為
 實想應知如言 執義彼非實想
 為欲得智相法 身故經言有法如來正
 覺阿耨多羅三 藐三菩提耶如是等
 為欲得福相法 身故經言若此三千
 大千世界如是 等 為修道得勝中
 無慢故經言須 臚多阿般那頗作是

金剛般若論上卷 第三張傳

念如是等為不離佛出時故經言有法如來於然燈所如是等為願淨佛土故經言須菩提若有如是言我成就莊嚴國土如是等為成熟眾生故經言須菩提辟如有丈夫如是等為遠離隨順外論散亂故經言須菩提於意云何若恒伽河所有沙復有介許恒伽河如是等為色及眾生身搏取中觀破相應行故經言須菩提三千大千世界中所有地塵如是等為供養給侍如來故經言須菩提於意云何應以三十二大丈夫相見如來應正遍覺不如是等為速離利養疲乏熱惱於精進若退若不發故經言須菩提若女人若丈夫捨恒伽河沙等身如是等於中身有疲乏心有熱惱以此二種於彼精進若退若不發為忍苦故經言若如來忍波羅蜜如是等為離寂靜味故經言須菩提若女人若丈夫於此法門受持如是等為證道時遠離喜動故經言世尊云何菩薩應住如是等為求教授故經言有法如來於燃燈如

金剛般若論上卷 第四張 傳

來所正覺阿耨多羅三藐三菩提如是等為證道故經言須菩提譬如丈夫妙身大身如是等於中妙身者謂至得身成就身得畢竟轉依故大身者一切眾生身攝身故自此已上皆求佛地應知彼佛地復有六種具足攝轉依具足所謂國土淨具足無上見智淨具足隨形好身具足相身具足語具足心具足彼心具足中復有念慮有正覺有施設大利法有攝取法身有不住生死涅槃有行住淨應知此行住淨中復有威儀行住有名色觀自在行住有不染行住應知此不染中復有說法不染流轉不染應知為國土淨具足故經言須菩提若菩薩如是言我國土莊嚴成就如是等為無上見智淨具足故經言須菩提於意云何如來有肉眼不乃至若此三千大千世界如是等為隨形好身具足故經言須菩提於意云何應以色身成就見如來不如是等為相身具足故經言須菩提於意云何應以相具足見如

金剛般若論上卷 第五張 傳

來不如是等為語具足故經言須菩提於意云何如來作是念我說法耶如是等於心具足中為念慮故經言須菩提非眾生非不眾生如是等為正覺故經言須菩提於意云何頗有法如來正覺阿耨多羅三藐三菩提不如是等為施設大利法故經言復次須菩提三千大千世界中所有須彌山如是等為攝取法身故經言須菩提於意云何應以相具足見如來不如是等須菩提於意云何如來可以相具足正覺阿耨多羅三藐三菩提莫作是念者此義明相具足體非菩提亦不以相具足為因也以相是色自性故為不住涅槃故經言須菩提如是念發行菩薩乘者有法說斷滅耶如是等為不住流轉故經言須菩提菩薩於福聚不應受不應取如是等受者說有故取者取彼道故如福聚及果中皆不應著於行住淨中為威儀行住故經言若有如是言如來若去如是等為名色觀破自在行住故經言須菩

金剛般若論上卷 第六張 傳

提若復善家子善家女以所有三千大千世界中地塵如是等於不捺行住中為說法不捺故經言須菩提若復菩薩以無量無數世界如是等為流轉不捺故說偈言如星翳燈幻露泡夢電雲於諸有為法應當如是觀此偈顯示四種有為相所謂自性相者所住味相隨順過失相隨順出離相於中自性相者共相見識此相如星應如是見何以故无智闇中有彼光故有智明中無彼光故人法我見如翳應如是見何以故以取无義故識如燈應如是見何以故渴愛潤取緣故熾然於中著所住味相者味著顛倒境界故彼如幻應如是見何以故以顛倒見故於中隨順過失相者無常等隨順故彼露譬喻者顯示相體无有以隨順無常故彼泡譬喻者顯示隨順苦體以受如泡故若有受皆是苦故隨有應知彼苦生故是苦苦破滅故是壞苦不相離故是行苦復於第四禪及无色中立不苦不樂受以勝故於中隨順出離相

金剛般若論上卷 第七強傳

者隨順人法无我以攀緣故得出離故說無我以為出離也隨順者謂過去等行以夢等譬喻顯示彼過去行以所念處故如夢現在者不久時住故如電未來者彼處惡種子似虚空引心出故如雲如是知三世行轉生已則通達無我此顯示隨順出離相彼住處等略為八種亦得滿足所謂攝住處波羅蜜淨住處欲住處離障尋住處淨心住處究竟住處廣大住處甚深住處於中攝住處者謂發心波羅蜜淨住處者謂波羅蜜相應行欲住處者謂欲得色身法身離障尋住處者謂餘十二種淨心住處者謂證道究竟住處者謂自此已上皆求佛地廣大及甚深住處者通一切處於初住處中若說菩薩應生如是心所有眾生如是等此為廣大若復說言若菩薩眾生想轉如是等此為甚深於第二住處中若說菩薩不住於事應行布施如是等此為甚深若復說言彼所有福聚不可量取如是等此為廣大如是於餘住處

金剛般若論上卷 第八強傳

中廣大甚深等隨所相應應知已說住處何者對治彼如是相應行相行諸住處時有二種對治應知謂邪行及共見正行此中見者謂分別也於初住處中若說菩薩應生如是心所有眾生等此是邪行對治生如是心是菩薩邪行若復說言若菩薩眾生想轉等此為共見正行對治此分別執菩薩亦應斷謂我應滅度眾生故於第二住處中若說應行布施此為邪行對治非无布施是菩薩邪行若復說言住於事等是共見正行對治此分別執菩薩亦應斷謂應行布施故何者不失謂離二邊云何二邊謂增益邊損減邊若於如言辭法中分別執有自性是增益邊若於法無我事中而執为无是損減邊於中若說言世尊若福聚非聚者此遮增益邊以無彼福聚分別自性故若復說言是故如來說福聚此遮損減邊以彼雖不如言辭有自性而有可說事以如來說福聚故此得顯示如是須菩提佛法佛法者如來說非佛法

金剛般若論上卷 第九強傳

者此遮增益邊是名佛法者此遮損減邊於中如來說非佛法者顯示不共義是名佛法者顯示相應義何者是相應若佛法如說有自性者則如來不說佛法以雖不說亦自知故是故元有自性為世諦故如來說名佛法如是於一切處顯示不共及相應義應知復次佛法者攝波羅蜜事及念處等菩提分應知菩薩離此二邊故於彼對治不復更失故名不失何者地此地有三種謂信行地淨心地如來地於中十六住處顯示信行地證道住處是淨心地究竟住處是如來地 云何立名名金剛能斷者此名有二義相應應知如說入正見行入邪見行故金剛者細牢故細者智因故牢者不可壞故能斷者般若波羅蜜中間思修所斷如金剛斷處而斷故是名金剛能斷又如盡金剛形初後閻中則狹如是般若波羅蜜中狹者謂淨心地初後閻者謂信行地如來地此顯示不共義也彼五種義向上上依止應知彼等皆依止地

金剛般若論上卷 第十五傳

故說修多羅身相續此義句今當說世尊何故以寂靜者威儀而坐也顯示唯寂靜者於法能覺能說故何故上座須菩提問也有六因緣為斷疑故為起信解故為入甚深義故為不退轉故為生歡喜故為正法久住故即是般若波羅蜜令佛種不斷云何以此令佛種不斷也若有疑者得斷疑故有樂福德而心未成熟諸菩薩等聞多福德於般若波羅蜜起信解故已成熟心者入甚深義故已得不輕賤者由貪受持修行有多功德不復退轉故已得順攝及淨心者於法自入及見生歡喜故能令未來世大乘教久住者故若略說疑者令見故樂福德及心已成熟諸菩薩等攝受故已得不輕賤者令精勤心故已淨心者令歡喜故 諸菩薩有七種大故此大衆生名摩訶薩埵何者七種大謂法大心大信解大淨心大資糧大時大果報大如菩薩地持中說經言善攝第一善攝者於諸菩薩所何者善攝何者第一也利樂相應為

金剛般若論上卷 第十五傳

善攝第一有六種應知一時二差別三高大四牢固五普遍六異相 何者時現見法及未來故彼菩薩善攝中樂者是現見法利者是未來世何者差別於世間三摩鉢帝及出世聖者聲聞獨覺等善攝中差別故何者高大此善攝无有上故何者牢固謂畢竟故何者普遍自然於自身善攝故 何者異相於未淨菩薩善攝中勝上故 經言第一付囑者何者第一付囑有六種因緣一入處二法亦得三轉教四不失五悲六尊重 何者入處於善友所善付囑故何者法亦得已得善攝菩薩於他所法亦善攝故何者轉教汝等於餘菩薩應當善攝是名轉教此等三種如其次第即是不失及悲尊重等應知何故唯問發行菩薩乘為三種菩提差別故以善問故於上座須菩提所應稱善哉所有衆生衆生所攝者揆相說也卵生等者差別說也又受生依止境界所攝差別應知乃至化生等者受生別故若有色若无色者依止

金剛般若論上卷 第十三傳

別故若有想若無想若非有想非無想者境界所攝別故所有眾生界施設住施設已者謂上種種相住眾生界佛施設說也我皆令入涅槃者何故願此不可得義生所攝故無過以皆是生故如所說眾生等生並入願數者彼如生濕生無想及非有想非無想等則不能去何能令一切眾生入涅槃也有三因緣故難處生者待時故非難處生未成熟者成熟之故已成熟者解脫之故何故說無餘涅槃界不直說涅槃若如是便與世尊所說初禪等方便涅槃不別故彼自以丈夫力故無佛亦得但非究竟何故不說有餘涅槃界彼共果故自以宿業又值佛說而得果故又非一向身苦有餘故如是涅槃及有餘涅槃等丈夫力果故共果故非究竟果故非一向果故是故說無餘如是无量眾生入涅槃已者顯示如生等生一無量故无有眾生得涅槃者此何義如菩薩自得涅槃無別眾生何以故若菩薩眾生想轉則不名菩薩者

金剛般若論上卷 第十三傳

此何義若菩薩於眾生所他轉非自體想不名菩薩故何以故若眾生想命想人想轉不名菩薩者此何義若以煩惱心取眾生命人想轉彼則有我想及於眾生中有眾生想轉菩薩於彼不轉已斷我見故得自行行者謂五陰行平等相故信解自他平等彼菩薩非眾生命人取見者此是其義復次經言菩薩應生如是心者顯示菩薩應如是住中欲願也若菩薩我想轉不名菩薩者顯示應如是修行中相應三摩鉢帝時也若眾生想命想人想轉不名菩薩者顯示應如是降伏心中攝散時也如菩薩相應三摩鉢帝散時眾生想亦不轉如彼介焰相住故是故无有眾生得涅槃者此得成就彼欲願者攝諸住處為寂勝彼相應行相行餘住處時依止欲願決定得故此欲願義不復解釋自此後餘住處中有五種隨所相應而解釋應知一依義二說相三攝持四安立五顯現

金剛般若論上卷 第十四傳

欲願為攝持住處第一義為安立相應三摩提為顯現 於波羅蜜淨住處中經言菩薩不住於物應行布施等此為依義顯示對治住者故經言應行施者此為說相六波羅蜜初攝一切檀那體性故檀那有三種一資生施者謂檀那波羅蜜二无畏施者謂尸羅波羅蜜三提波羅蜜三法施者謂毗梨耶波羅蜜禪那波羅蜜鉢羅賢攝波羅蜜等若無精進於受法人所為說法時疲倦故不能說法若无定則貪於信敬供養及不能忍寒熱等逼惱故涼心說法若無智慧便顛倒說法多有過故不離此三得成法施彼諸波羅蜜有二種果謂未來現在未來果者檀那波羅蜜得大福報尸羅波羅蜜得自身具足謂釋梵等羣提波羅蜜得大伴助大眷屬毗離耶波羅蜜得果報等不斷絕禪那波羅蜜得生身不可損壞鉢羅賢攝波羅蜜得諸根猛利及多諸悅樂於大人眾中得自在等現在果者得一切信敬供養及現法涅槃等於中若

金剛般若論上卷 第十五傳

菩薩求未來果故行施為住物行施如所施物還望得彼物果是故經言不住於物應行布施若求未來尸羅等果故行施為有所住行施是故經言无所住應行布施尸羅等果有衆多不可分別故摠名有所住若求現在果信敬供養等故行施為住色聲香味觸行施故經言不住色等若求現法涅槃故行施為住法行施故經言不住於法應行布施 又經言應行布施者即說攝持施之欲願故經言不住行施者即此不住為安立第一義故於中以不住故顯示如所

金剛般若論卷 第十七 傳

云何應以相具足見如來不此為依義顯示對治如來色身慢故 經言相具足者此為說相顯示如來色身故上座須菩提言不也為成滿此義故世尊說須菩提所有相具足者彼為虛妄此即顯欲願於如是義中應攝持故及即是安立第一義於第一義中相具足為虛妄非相具足為不虛妄 經言如是諸相非相應見如來者此為顯現謂相應三昧及攝散心時於彼相中非相見故 為欲得言說法身住處故經言頗有衆生於未來世於如是修多羅句說等於中修多羅句說者謂所有義應知何者為句如上所說七種義向上座須菩提作是念於未來世无有生實想者為遮此故世尊言有正法欲滅時者謂修行漸滅時應知 次後世尊為如是顯示修行如是集因如是善友攝受如是攝福德相應如是實想中當得實想故 經言有戒有功德有智慧者此增上戒等三學顯示修行功德者少欲等功德為初乃至三摩

金剛般若論卷 第十七 傳

提等 經言已得供養無量百千諸佛乃至一心淨信等此顯示集因一心淨信尚得如是業何況生實想也 經言如來悉知者知名身如來悉見者見色身謂於一切行住所作中知其心見其依止故此等顯示善友所攝 經言生取無量福聚者此顯示攝福德生者福正起時故取者即彼滅時攝持種子故 經言是諸菩薩元復我想衆生想轉乃至言若法想轉即為有我取者此顯示實想對治五種邪取故何者五邪取一外道二內法凡夫及聲聞三增上慢菩薩四世間共想定五無想定第一者我等想轉第二者法想轉第三者无法想轉此猶有法取有法取者謂取無法故第四者有想轉第五者无想轉是諸菩薩於彼皆不轉也此中顯了有戒乃至當生無量福聚等經言何以故者此言是中邪取但法及非法想轉非我等想以想及依止不轉故然於我想中隨眠不斷故則為有我取是故經言是諸菩薩若起法想則為

金剛般若論卷 第十七 傳

有我取等若無法想轉則為有我取等此我等想轉中餘義猶未說經言則為有我取者於中取自體相續為我想我所取為衆生想謂我乃至壽住取為命想展轉趣餘取為人想應知於中言當生實想者此為依義顯示對治不實想故言於此修多羅句說中者此為說相顯示言說法身故即彼當生實想中言當生者是欲願攝持者是諸菩薩元復我想轉等音是安立第一義須菩提不應取法非法者是顯了謂相應三摩鉢帝及攝散心時不應取法非法者於法體及法無我並不分別故又言說法身要義者經言以是義故如來常說機喻法門若解此者法尚應捨何況非法故法尚應捨者實想生故何況非法者理不應故略說顯示菩薩欲得言說法身不應作不實想為欲得智相至得法身住處故經言須菩提於意云何有法如來於阿耨多羅三藐三菩提中正覺耶此為依義顯示翻於正覺菩提耶故說法者正覺所攝故

金剛般若論上卷 第九卷

經言有法可說取阿耨多羅三藐三菩提者是為說相顯示至得法身故無有定法者上座須菩提導佛意故世諦故有菩提及得是為欲願攝持以方便故二俱為有若如世尊意說者二俱无有為顯此故言如我解世尊所說義等經言何以故如來所說法不可取不可說非法非非法者是安立第一義由說法故知得菩提故於說法中安立第一義於中不可取者謂正聞時不可說者謂演說時非法者分別性故非非法者法無我故經言何以故以无為故得名聖人者無為者无分別義也是故菩薩有學得名無起无作中如來轉依名為清淨是故如來無學得名於中初无為義者三摩鉢帝相應及折伏散乱時顯了故第二無為唯第一義者无上覺故自此已後一切住處中皆顯以無為故得名聖人應知前諸住處中未說无為得名於此說阿耨多羅三藐三菩提中無為已竟 福相至得法身住處云何顯示即彼所有言說

金剛般若論上卷 第二張傳

法身出生如來福相至得法身於彼乃至說一四句偈生福甚多况復如來所有福相至得法身以何因緣於言說法身中如是說一四句偈能生多福為成就此義故經言何以故如來阿耨多羅三藐三菩提從此出者於中普集十法行阿舍故諸佛世尊從此生者世諦故言佛出生以有菩提故即此二並故名為佛法以菩提及佛故經言須菩提佛法佛法者即非佛法復次經言其所生福勝彼无量阿僧祇者此為依義顯示對治福不生故於中其福者此為說相顯示福相法身故勝彼者顯示欲願攝持故經言世尊是福聚即非福聚是故如來說福聚及言須菩提佛法佛法者即非佛法是名佛法者以此福聚及佛法為攝取如來福相法身中安立第一義故為隨順无為得名故相應三摩鉢帝及折伏散乱不復顯了言甚多婆伽婆甚多修伽陀二語者顯示攝心持心以攝自心故言受持為他說者解釋句味故无量者過譬喻

金剛般若論上卷 第二十一張傳

故阿僧祇者顯多故

金剛般若論卷上

壬寅歲高麗國大藏都監奉
勅雕造

金剛般若論上卷

第二十二段傳

金剛般若論卷上

校勘記

- 一 底本，麗藏本。此論分上下兩卷，
[資]、[磧]、[晉]、[南]、[徑]、[清]皆作三卷，且
文字差異頗大，故只校[石]；卷下
底本爲金藏本，故同時校以麗。另
以清藏本作別本，校以[資]、[磧]、[晉]、
[南]、[徑]附後。
- 一 六八頁上三行譯者，「南印度」，[石]
作「天竺」，下卷同。
- 一 六八頁上一三行第一〇字「句」，
[石]無。
- 一 七二頁上二一行首字「一」，[石]作
「一一」。
- 一 七三頁下末行「起法想」，[石]作「法
想轉」。



趙城縣廣勝寺

金剛般若論卷下

傳

無著菩薩造

隋南印度三藏達磨笈多譯

已說欲住處竟今說離障身住處有十二種障身對治應知 何者十二障身一慢二無慢而少聞三多聞而小攀緣作念修道四不小攀緣作念修道而捨眾生五不捨眾生而樂隨外論散動六雖不散動而破影像相中無巧便七雖有巧便而福資糧不具八雖具福資糧而樂味慳怠及利養等九雖離解怠利養而不能忍苦十雖能忍苦而智資糧不具十一雖具智資糧而不自攝十二雖自攝而無教授 初中為離慢故經言須陀洹頗作是念我得須陀洹果等此為依義顯示對治我得慢故又復須陀洹頗作是念者即為說相顯示無慢故亦即是欲願攝持經言世尊无有所入不入色聲香味觸者此為安立第一義若須陀洹如是念我得須陀洹果即為有我想若有我想則為有

金剛般若論下卷 第一分 第六分
 慢應知如是至阿羅漢亦亦上座漢菩提自顯無諍行第一及阿羅漢共有功德者以已所證為信故以无有法得阿羅漢及無所行故說无諍行無諍行此中即為安立第一義為離少聞故經言如來於然燈如來應供正遍知所有法可取耶等謂彼佛出世承事供養時有法可取離此分別故依義等及對治等隨義相應應知一為離小攀緣作念修道故經言須菩提若有菩薩如是言我當成就嚴淨佛土等若念嚴淨佛土者則於色等事分別生味者為離此故經言是故須菩提菩薩應生如是不住心無所住不住色聲香味觸法等為離捨眾生故經言須菩提譬如有人身如須弥山王如是等此何所顯示為成熟欲界眾生故彼羅睺阿修羅王等一切大身量如須弥尚不應見其自體何況餘者經言如來說為非體者顯示法無我故彼體非體者顯示法體无生無作故此即顯示自性與相及差別故 為離樂外論散乱故經說四

種因緣顯示此法勝異也一攝取福德二天等供養三難作四起如來等念經言以此因緣得福多彼者是攝取福德經言為他若說若授若解釋彼地分即是支提相者是天等供養經言當得具足寂上希有者是難作經言此地分即為教師住處及餘可尊者重者是起如來等念於中說者為他直說故授者教授他故顯示此樂外論散亂對治法勝異已於如是法中或起如言執義為對治彼未來罪故經言如來所說般若波羅蜜即非般若波羅蜜故如般若波羅蜜非波羅蜜如是亦无餘法如來說者為顯此義故經言頗有法如來可說不此顯示自相及平等相法門第一義也 為離於影像相自在中无巧便故經言須菩提所有三千大千世界地塵如是等彼不限量攀緣作意菩薩恒於世界攀緣作意修習故說三千大千世界 於中為破色身影像相故顯示二種方便一細作方便如經三千大千世界所有地塵寧為多

不等二不念方便如經所有地塵如來說非塵是各地塵故為破眾生各身影像相故經言所有世界如來說非世界是各世界故於中世界者顯眾生世也但以名身名為眾生世不念名身方便即是顯示破身影像相不復說細作方便也 為離不具福資糧故經言須菩提於意云何以三十二大丈夫相見如來耶者顯示為福資糧故親近供養如來時不應以相成就見如來云何見應見第一義法身故 為離懈怠利養等樂味故經言須菩提若復婦女丈夫捨恒河沙等自身如是等此何所顯示如此捨余許自身所有福不及此福云何以一身著懈怠等故而為障導何故此中上座須菩提流淚而言我未曾聞如是等法門也以聞此勝福甚多過於捨无量身更不說餘勝福故若聞如是勝福故發起精進已若於此法中生如義想為離此過故經言於說此修多羅中生實想者當成第一希有等即於如是實想中為離實想

分別故經言彼所有實想即非實想如是等經言世尊我於此法門若分別若信解不為希有若當來世其有眾生於此法門受持讀攝為他解釋則為第一希有如是等此何義為令味者利養過懈怠諸菩薩生慚愧故於未來正法滅時尚有菩薩於此法門受持故无人等取及法取云何汝等於正法興時遠離修行不生慚愧也經言是諸菩薩無復我等想轉者顯示无人取也所有我想即非我想者顯示無法取也 經言何以故諸佛世尊離一切想者顯示諸菩薩順學相諸佛世尊離一切想是故我等亦應如是學此等經文為離退精進故說於中言若分別若信解者後句釋前句也受者受文字也攝者攝義也為離不發起精進故經言須菩提若聞說此修多羅章句時不驚等者以驚等故不發起精進也於聲聞乘中世尊說有法及有空於聽聞此經時聞法无有故驚聞空故無有故怖於思量時於二不有理中不能相應

金剛般若論卷下 第七張 傳字號

故畏更有別釋為三種無自性故應知謂相生第一義等无自性故經言何以故須菩提如來說第一波羅蜜者此有何義復說第二生慚愧處故言此法如是勝上汝等不應放逸於中以於餘波羅蜜中勝故名第一波羅蜜經言如來說第一波羅蜜者彼无量諸佛亦說波羅蜜者此言顯示一切諸佛同說第一是故名第一為離不能忍苦故經言復次須菩提如來說羸提波羅蜜等於中如所能忍以何相生忍處如忍差別顯示對治彼因緣故何者能忍謂達法無我故云何得顯示如經言如來說羸提波羅蜜故云何應知忍相若他於已起惡等時由無有我等想故不生瞋想亦不於羸提波羅蜜中生有想於非波羅蜜中生无想此云何顯示如經如我昔為迦利王割截身分我於尔時無有我想等及无想亦非無想等何者種類忍謂極苦忍相續苦忍此云何顯示如經如我昔為迦利王割截身分及言我憶過去五百生中作

金剛般若論卷下 第七張 傳字號

忍辱仙人等不忍因緣者有三種苦謂流轉苦眾生相違苦之受用苦於中如經是故須菩提菩薩摩訶薩應離一切想發阿耨多羅三藐三菩提心等此為顯示流轉苦忍因緣對治發菩提心者以三種苦想故則不欲發心故說應離一切想等此中一切想者為顯如是等三苦想也若著色等則於流轉苦中疲乏故菩提心不生故經言不應住色生心等如前說不住非法者謂非法無我也於非法及法无我中皆不住故為成就彼諸不住故說遮餘事如經應生無所住心何以故若心有住即為非住等經言如是菩薩為利益一切眾生應如是布施乃至言諸所有想即為非想等此顯示對治眾生相違苦忍既為一切眾生而行於捨云何於彼應生瞋也由不能无眾生想以此因緣故眾生相違時即生疲乏故顯示人无我法無我等須菩提如來是真語者等此何所顯示欲令信如來故能忍於中真語者為顯世諦相故實語

金剛般若論卷下 第八張 傳字號

者為顯世諦修行有煩惱及清淨相故於中實者此行煩惱此行清淨故如語者為第一義諦相故不異語者為第一義諦修行有煩惱及清淨相故說此真語等已於此中如言說性起執著者為遣此故經言須菩提如來正覺法及說於中無實无妄無實者如言說性非有故无妄者不如言說自性有故須菩提譬如丈夫入闇如是等顯示之受用苦忍因緣對治若為果報布施便著於事而行捨施彼於異施欲樂苦受中不解出離猶如入闇不知我何所趣彼喜樂欲樂亦尔若不著於事而行布施如有眼丈夫夜過日出見種種色隨意所趣應如是見彼无明夜過惠日出已種種亦如實見之彼不知解出離欲樂苦受故喜樂欲樂為離闕少智資糧故經言須菩提若復善家子善家女於此法門若受等此中為離三摩提攀緣顯示與法相應有五種勝功德一如來憶念親近二攝福德三讚歎法及修行四天等供養五滅罪何者

如來憶念親近如經受持讀誦者如來以佛智知彼如來以佛眼見彼等於中受者習誦故持者不忘故若讀若攝者此說受持因故為欲受故讀為欲持故攝又復讀誦者習誦故攝者總覽義故何者攝福德如經是諸眾生如是無量福德聚等何者讚歎法及修行如經復次須菩提此法門不可思不可稱等此為讚歎法於中不可思者惟自覺故不可稱者無有等及勝故經言又此法門如來為發取上乘者說為發取勝乘者說者此成就不可稱義於中餘乘不及故取上煩惱障智障淨故取勝應知經言若於此法門受持乃至如來悉知見等者此為讚歎修行於中是諸眾生成就無量者是總說不可思不可稱不可量者解釋故是等即為荷擔我菩提者謂有負菩提重擔故經言須菩提下信解者不能聞此法者謂聲聞獨覺乘者故經言若有我等見者謂有人我見眾生而自謂菩薩者何者天等供養如經復次須菩提隨所

地分解說此修多羅屢常應供養彼地分即為支提等於中以華鬘燒香熏香塗香末香衣蓋幢幡等供養恭敬禮拜右遶故名支提何者滅罪如經彼若為人輕賤甚輕賤乃至當得菩提等故此毀辱事有無量門為顯示此故復言甚輕賤經言當得佛菩提者顯示罪滅故前所說以此因緣出生無量阿僧祇多福者今當解釋彼無量阿僧祇義應知威力者成熟熾然故多者具足勝大故於中如經須菩提我憶阿僧祇過阿僧祇劫前如是等此顯示威力故即是福聚威力以彼所有福聚遠絕高勝故此中阿僧祇劫者乃至燃燈佛故應知過阿僧祇者更過前故親近者供養故不空過者常不離供養故若復經言須菩提若善家子善女人所得福聚若我說者若有人聞心則狂亂如是等此顯示多故或為狂因或得亂心果應知此之彼威力及彼多等何人能說是故經言復次須菩提此法門不可思議果報亦不可思議此顯示

彼福體及果不可測量故 為遠離自取故經言須菩提言云何菩薩大乘中發心應住等何故復發起此初時問也將入證道菩薩自見得勝處作是念我如是住如是修行如是降伏心我滅度眾生為對治此故須菩提問當於彼時如所應住如所應修行如所應降伏其心世尊答應生如是心等又經言須菩提若菩薩眾生等想轉者為顯我執取或隨眠故若言我正行菩薩乘此為我取對治彼故經言須菩提無有法發行菩薩乘者為離無教授故經言須菩提有法如來於燃燈如來所等又經言須菩提若有法如來得正覺者燃燈如來則不授記汝當得等此有何意若正覺法可說如彼燃燈如來所說者我於彼時便得正覺燃燈如來則不授記言汝當得等以彼法不可說故我於彼時不得正覺是故與我授記此是其義應知又何故彼法不可說如經須菩提如來者即是真如故如青淨故名如來以如不可說故作此

金剛般若論卷下 第十二張 傳字号

說清淨如名為真如猶如真金或言
燃燈如來所於法不得正覺世尊後
時自得正覺為難此取故經言須菩
提若人如是言如來正覺阿耨多羅
三藐三菩提者等又經言須菩提如
來所正覺法於是中不實不妄者顯
示真如無二故云何不實謂言說故
不妄者謂彼正覺不无世間言說故
經言是故如來說一切法即是佛法
者此何義顯一切法法如清淨故如
者遍一切法故此是其義又彼一切
法法體不成就為安立第一義故經
言須菩提一切法者悉是非法是名
一切法故為入證道故經言須菩提
譬如有人妙身大身如是等顯示入
證道時得智慧故離慢云何得智有
二種智故謂攝種性智及平等智若
得智已得生如來家得決定紹佛種
此為攝種性智得此智已能得妙身
若於此家長夜願生既得生已便得
彼身是名妙身平等智復有五種平
等因緣謂虛惡平等法无我平等斷
相應平等無怖望心相應平等一切

道進

金剛般若論卷下

第十三張 傳字号

菩薩證道平等得此等故得為大身
攝一切眾生大身故於彼身中安立
非自非他故經言如來所說有人妙
身大身即非身是故如來說名妙身
大身等此於妙身等中安立第一義
如是等是為得智惠云何離慢如經
若菩薩作是言等此云何可知若作
是念我滅度眾生我是菩薩應知此
是慢者非實義菩薩為顯示此故經
言是故如來說一切法无眾生若菩
薩有眾生念則不得妙身大身故彼
上求佛地中為淨國土三摩鉢帝故
經言須菩提若菩薩作是言我成就
莊嚴國土則非菩薩此義為於共見
正行中轉故為斷彼故安立第一義
經言即非莊嚴如來說名莊嚴國土
等又經言須菩提若菩薩信解无我
法無我法者此言為二種无我故謂
人無我法无我又經言如來說名菩
薩菩薩者為於彼二種無我中二種
正覺故此等云何顯示若言我成就
即為人我取莊嚴國土者是法我取
此非菩薩 為見智淨具足故經言

金剛般若論卷下

第十四張 傳字号

須菩提於意云何如來有肉眼不如
是等如來不惟有慧眼為令知見淨
勝故顯示有五種眼若異此則惟求
慧眼見淨故於中略說有四種眼謂
色攝第一義諦攝世諦攝一切種一
切應知攝色攝復有二種謂法果修
果此為五眼處境界故是初色攝第
一義智力故世智不顛倒轉是故第
一義諦攝在先於中為人說法若彼
法為彼人施設此智說名法眼一切
應知中一切種无功用智說名佛眼
此等名為見淨如經說恒河等譬喻
所有若干種心住我悉知等此為智
淨於中心住者謂三世心若干種者
應知有二種謂滌及淨即是共欲心
離欲心等世者謂過去等分於此二
中安立第一義故經言心住者即為
非住乃至過去心不可得等於中過
去心不可得者已滅故未來者未有
故現在者第一義故為應知中證故
安立見為教彼彼眾生寂靜心故安
立智於此智淨中說心住即非心住
如是見淨中何故不說眼即非也以

一住處故見智淨後安立第一義故
初亦得成就 為福自在具足故經
言此三千大千世界等於中亦安立
第一義故經言須菩提若福聚有實
等 於身具足中為好具足故經言
須菩提於意云何以色身成就見如
來不如是等於中亦以安立第一義
故經言如來說非成就等 為相身
具足故經言須菩提於意云何可以
相具足見如來不如是等為語具足
故經言須菩提於意云何汝謂如來
作是念我說法也如是等於中安立
第一義故經言如來說法說法者等
於心具足中為念處故經言世尊頗
有衆生於未來世聞說是法等此處
於諸衆生中顯示如世尊念處故彼
非衆生者第一義故非不衆生者世
諦故是人即為希有第一者顯示說
第一義是不共及相應故此文如前
說 於彼心具足中為正覺故經言
頗有法如來於阿耨多羅三藐三菩
提得正覺也如是等於中无有法者
為離有見過已顯示菩提及菩提道

故彼復顯示菩提有二種因緣謂阿
耨多羅語故三藐三佛語故於中
經言微塵許法不可得不可有者此
為阿耨多羅語故此顯示菩提自相
故菩提解脫相故彼中无微塵許法
有體是故亦無可得亦无所有應知
經言復次須菩提是法平等者為三
藐三佛語故顯示菩提者入平等
相於中平等者以菩提法故得知是
佛此中經言无有高下者顯示一切
諸佛第一義中壽命等无高下故經
言無壽者无衆生得彼平等阿耨多
羅三藐三菩提者顯示菩提於生死
法平等相故經言一切善法得正覺
者顯示菩提道故經言所言善法善
法者如來說非善法等此安立第一
義相故 於彼心具足中為施設大
利法故經言三千大千世界中所有
須弥如是等於中為安立第一義教
授故經言如來頗作是念我度衆生
耶如是等如來則有我等取者此有
何義如來如介焰而知是故若有衆
生想衆則為有我取若實无我而言

有我取為離此著故經言須菩提我
取者即為非取如是等是故但小兒
凡夫 有如是取故經言須菩提凡
夫凡夫者如來說非凡夫是名凡夫
故於彼心具足為攝取法身故經言須
菩提於意云何應以相成就見如來
不如是等於中初偈顯示如所不應
見不可見故云何不可見諸見世諦
故是人行邪靜者定名為靜以得禪
者說名寂靜者故又復禪名思惟修
故於中思者意所攝修者識所攝言
寂靜者即說意及識此世諦所攝應
知彼不應見禪者謂彼世諦行者第二
偈顯示如彼不應見及不應見因緣
謂初分次分於中偈言以法應見佛
者法者謂真如義也此何因緣偈言
導師法為身故以如為緣故出生諸
佛淨身此不可見但應見法故彼不
應見復何因緣故不可見以彼法真
如相故非如言說而知惟自證知故
不如言說者非見實不能知故為顯
示此義故偈言法體不可知故彼不
能知於此住處中得顯示以法身應

金剛般若論卷下 第十八疏 傳字字

見如來非以相具足故若亦如來雖不應以相具足見應以相具足為因得阿耨多羅三藐三菩提為離此著故經言須菩提於意云何如來可以相具足於阿耨多羅三藐三菩提正覺也如是等於彼心具足中為不住生死涅槃故經言須菩提汝作是念發行菩薩乘者如是等於中經言於法不說斷滅者謂如所住法而通達不斷一切生死影像法於涅槃自在行利益眾生事此中為遮一向寂靜故顯示不任涅槃若不住涅槃應受生死苦惱為離此著故經言須菩提若善男子善女人乃至是故菩薩取福德等於中經言无我無生法忍者何義如來於有為法得自在故无彼生死法我又非業煩惱力生故無生故名无我者無生者此中云何得顯示如說攝取餘福尚於生死中不受苦惱何況菩薩於無我无生法中得忍已所生福德勝多於彼經言須菩提菩薩不應受福聚者此顯示不住生死故若住生死即受福聚經言須菩

金剛般若論卷下 第十九疏 傳字字

提言不應受福聚邪者此有何義以世尊於餘處說應受福聚故經言世尊言受福聚不取福聚是名受福而不取者此顯示以方便應受而不應取如前已說於行住心具足中為威儀行住故經言須菩提若有人言如來若去若來等於中行者謂去來住者謂餘威儀為破名色身自在行住故經言須菩提若善男子善女人以三千大千世界所有地塵等於中細末方便及無所見方便等此破如前方便經言世尊若微塵聚有者世尊則不說微塵聚等是為無所見方便此說有何義若微塵為無所見方便此說有何義若微塵聚第一義中是有者世尊則不說非聚世尊說微塵聚非聚是名微塵聚者以此聚體不成就故若異此者雖不說亦自知是聚何義須說經言如來說即非世界者此是无所見方便此破名身亦如前說應知於中世界者為明眾生世故彼惟名身得名經言世尊若世界是有者即為有搏取者於中為並說若世界若微塵界故

金剛般若論卷下 第二十一疏 傳字字

有二種搏取謂一搏取及差別搏取眾生類眾生世界有者此為一搏取微塵有者此為差別搏取以取微塵聚集故經言如來說搏取即非搏取者此上座須菩提安立第一義故世尊為成就如是義故說搏取者即是不可以言說說等此何所顯示諸言說故有彼搏取第一義故彼法不可說彼小兒凡夫如言說取非第一義已說無所見方便破義未說无所見中入相應三昧時不分別謂如所不分別及何人何法何方便 云何不分別此後具說經言須菩提若有人如是言如來說我見等此等顯示如所不分別云何得顯如外道說我如來說為我見故安置人无我又為說有此我見故安置法無我若有彼我見是見所攝如是觀察菩薩入相應三昧時不復分別即此觀察為入方便 經言須菩提菩薩乘發行者此顯示何人无分別經言於一切法者此顯示於何法不分別經言應如是知應如是見應如是勝解者此顯示

增上心增上智故於無分別中知見
勝解於中若智依止者摩他故知依
止毗鉢舍耶故見此二依止三摩提
故勝解以三摩提自在故解內攀緣
影像彼名勝解經言如是知解已而
不住法想者 此正顯示无分別
經言法想法想者即非法想是名法
想者此顯示法想中不共義及相應
義如前已說如是一切住處中相應
三摩提方便亦亦應知欲願及攝散
二種如前所說更無別義是故不復
說其方便於彼心具足中為說法无
染故經言須菩提若有菩薩以滿無
量阿僧祇世界七寶等此何所顯示
以有如是大利故決定 演說如
是演說而无所染經言云何演說而
不演說是名演說者此有何義顯示
不可言說故不演說彼法有可說體
應如是演說若異此者則為染說以
顛倒義故又如是說時不求信敬等
亦為無染說法 於彼心具足中為
生死不染故說星翳燈等偈此義如
前說

若聞如是義於大乘無覺我念過於石
究竟无因故

下人於此深大法 不能覺知及信尚
世間衆人多如此 是以此法成荒廢
金剛斷割般若波羅蜜論竟阿僧伽作

金剛般若論卷下

金剛般若論卷下
校勘記

- 一 底本，金藏廣勝寺本。
- 一 七六頁下一行第六字「至」，石、麗作「乃至」。
- 一 七六頁下九行末字「一」，石、麗無。
- 一 七六頁下一二行第八字「佛」，麗無。
- 一 七七頁中五行第九字「名」，石無。
- 一 七七頁下二二行第一〇字「故」，石、麗無。
- 一 七八頁中二行第一〇字「乏」，麗作「之」。
- 一 七八頁下一三行第一一字「樂」，麗無。
- 一 七九頁中一八行第六字「家」，石、麗作「男」。
- 一 八〇頁中一三行第一二字「我」，石作「我當」。
- 一 八一頁下五行第一〇字「取」，麗無。

- 一 八二頁中一〇行第九字「地」，麗作「微」。
- 一 八二頁中一行末字「前」，石、麗作「前說應知經言彼微塵聚甚多者是細末」。
- 一 八二頁中一四行「爲無所見方便此說有何義若微塵」，石、麗無。
- 一 八二頁下一五行第八字「顯」，石作「顯示」。
- 一 八三頁上一五行第一一字「演」，麗作「實演」。
- 一 八三頁上二二行「生死」，石作「流轉」。